

漢魏
六朝
百三
家集
選

六世班禪大師全集選

王左丞集選

牋

逮詣南司辭府牋。

下官不能避溺山隅而正冠李下既貽疵辱方致徽繩解籙收籥且歸
初服竊以董生偉器止相驕王賈子上才爰傳卑主下官生年有值謬
仰清塵假翼西雍竊步東閣多慙衺服取亂長裾高榻相望甫居坐右
長階如畫獨在僚端惜其從容之詞假以寬和之色恩禮遠過申白榮
望多廁應徐厚德難逢小人易說方謂離腸隕首不足以報一言露膽
披誠何能以酬屢顧寧謂爵羅裁舉微禽先落閭閻始吹細草仍墜一
辭九畹方去五雲縱天網是漏聖恩可恃亦復執寄心骸何施眉目方
當橫潭亂海就魚鼈而爲羣披榛捫樹從虺虺而相伍豈復仰聽金聲

式瞻玉色顧步高軒悲如霰委脚厨下席淚若綆縻

書

與何炯書


近別之後將隔暄寒思子爲勞未能忘弭昔季叟入秦梁生適越猶懷
悵悵且或吟謠況岐路之日將_離嚴網辭無可憐罪有不測蓋畫地刻
木昔人所惡叢棘旣累於何可聞所以_握手戀戀離別珍重弟愛同鄒
季淫淫承睫吾猶復抗手分背羞學婦人素鍾擊箏金_金廳戒序起居無
恙動靜履宜子雲筆札元瑜書記信用旣然可樂爲甚且使目_目能祛
首疾甚善甚善吾無昔人之才而有其病癩眩屢動消渴頻增委化任
期故不復呼醫飲藥但恨一旦離大辱蹈明科去皎皎而非自汗抱鬱
結而無誰告丁年蓄積與此銷亡徒竊高價厚名橫叨公器人爵智能
無所報筋力未之酬所以悲至撫膺泣盡而繼之以血顧惟不肖文質

無所底蓋困於衣食迫於饑寒依隱易農所志不過鍾庾久爲尺板斗
食之吏以從皁衣黑綬之役非有奇才絕學雄略高謨吐一言可以匡
俗振民動一議可以固邦興國全璧歸趙飛矢救燕偃息藩魏甘臥安
郢腦日逐髓月支擁十萬而橫行提五千而深入將使執圭裂壤功勒
景鐘錦繡爲衣朱丹被轂斯大丈夫之志非吾曹之所能及已直以章
句少才蟲篆末藝含吐綳繆之上翩躚罇俎之側委曲同之鍼縷繁碎
譬之米鹽孰致顯榮何能至到加性疎澁拙於進取未嘗去來許史遨
遊梁竇俛首脅肩先意承旨是以三葉靡邁不與運并十年未徙孰非
能薄及除舊布新清暑方旦抱樂銜圖訟謳有主而猶限一吏於岑石
隔千里於泉亭不得奉板中涓預衣裳之會提戈後勁廁龍豹之謀及
其投効歸來恩均舊隸升文石登玉陛一見而降顏色再覩而接話言

非藉左右之容無勞羣公之助又非同席共研之夙逢筭卮酒之早
識一旦陪武帳仰文陛備聘佚之柱下充嚴朱之席上入班九棘出專
千里據操撮之雄官參人倫之顯職雖古之爵人不次取士無名未有
躡景追風奔驟之若此者也蓋基薄牆高塗遙力蹟傾蹙必然顛匄可
俟竟以福過災生人指鬼瞰將均宥器有驗傾卮是以不能早從曲影
遂乃取疑邪徑故司隸懷懷思得應弦譬縣廚之獸如離繳之鳥將充
庖鼎以餌鴈鸕雖事異鑽皮文非刺骨猶復因茲舌杪成此筆端上可
以投畀北方次可以論輸左校變爲丹楮充彼春薪幸聖主畱善貸之
德紆好生之施解網祝禽下車泣罪愍茲悲詬憐其殼觶加肉朽齒布
葉枯株輟薪止火得不銷爛所謂還魂斗極追氣泰山正復除名爲民
幅中中校改巾家巷此五十年之後人君之賜焉木石感陰陽犬馬識厚薄

圓首方足孰不戴天而竊自有悲者蓋士無賢不肖在朝見嫉女無美惡入宮見妬家貧無包苴可以事朋類惡其鄉原恥彼戚施何以從人何以徇物外無奔走之友內乏強近之親是以構市之徒隨相媒藥及一朝捐棄以快怨者之心吁可悲矣蓋先貴後賤古富今貧季倫所以發此哀音雍門所以和其悲曲又迫以嚴秋殺氣具物多悲長夜展轉百憂俱至況復霜銷草色風搖樹影寒蟲夕叫合輕重而同悲秋葉晚傷雜黃紫而俱墜蜘蛛絡幕熠燿爭飛故無車轍馬聲何聞鳴鷄吠犬俛眉事妻子舉手謝賓遊方與飛走爲隣永用蓬蒿自沒愴其長息忽不覺生之爲重素無一廬之田而有數口之累豈曰飽而不食方當長爲傭保糊口寄身溘死溝渠以食螻蟻悲夫豈復得與二三士友抱接膝之歡履足差肩攜綺縠之清文談希微之道德唯吳鴻之遇夏馥范

式之值孔嵩愍其留賃憐此行乞耳儒不以垢累時存寸札則雖先犬馬猶松喬焉去矣何生高樹芳烈裁書代面筆淚俱下



誄

從子永寧令誄。

微作綴是

懷下當脫文字

余之從子謙字幼光以昭陽紀歲蕤賓旅月啓足閩喁瞑目泉岫是殲
才子實喪俊民若其孝親睦友故非天墮地出異才絕學如有鬼告神
授玉懷瑕而可指桂含蠹其取傷孰與九德彰於造次百行動爲表徵
一作吐論含毫宣赴鍾琯標心用已懸符矩矱惠響棲道清心可鏡和
而靡屈簡而周爽遂若凝雲潔如止水無慙座右不愧屋漏蒼苔繞路
素塵滿席蕭索庭戶靡事鮮明沉淪典籍將絕弔賀室如夏甫狀等安
期所有有校清塵唯不能忘懷藝而已斯美宜久宜長而驥驂之步中
徂鸞驚之翅未矯一歸寥廓長反虛無雖東隅再暝鉗丙之御無及北
顧相望隸首之數不盡而但化非常人所不免况風雲萬里間此山川

客思故鄉。次房之念。何極。輕棺反蜀。允南之思可知。而魂兮渺渺。扁舟
靡靡。生人之望已冥。死歸之期又阻。痛心傷目。豈伊一事無以少寄辛
傷故復誅之云爾。

昭昭洪胄。映策光書。違羸避項。從衛遷徐。基忠踐孝。抱約懷虛。有顯而
默。匪屈伊舒。如茲邴魏。譬彼董疎。入登高闕。出啓精廬。瞻星畫野。望閭
推車。履仁不置。蹈道有餘。九世盛矣。七葉光諸。往弼睿主。來傳英儲。峨
峨三祖。羅室並居。前瞻紫闕。傍望白渠。高軒霞被。四馬龍攄。溫溫司武
皎皎秘書。義高松竹。價重璠璣。元昆世父。重規疊矩。容與學丘。徘徊詞
府。青紫已拾。大夫斯取。盛藩往相。名畿來撫。暉光不已。驚生之子。謬謬
萬尋。昂昂千里。實鳳匪雜。真龍非似。均情遽得。得意莊李。室有虛白。門
無囂滓。遺心沮勸。忘懷愠喜。貧靡斯攝。富其無恥。險而不峭。方而能理。

德有潤身學斯爲己逸羽難集孤峯易峙南邁瑤琨西踰杞梓人亦有
言名爲實使學傾邦國價騫州里崇蘭自芳珥玉自光汪汪巨壑暖暖
重橋造應請不迎不將久而愈敬狎而愈莊卽無矯資此有循常默
非吝短顯弗用長豈伊墜岸如彼懸梁唯學已聚待問則強偏在三篋
兼于五行亦稅其巾于彼王吏如龍宮楚有斯內侍蘊此上才安茲下
位儲畢始闢傳府初開爾其戾止辟彼昔才從斯簡帝仍此追陪何以
自茲翰飛傍佐戎列來攝儒衣儒衣濟濟訪對斯歸是義罔惑唯
禮無違悠悠越嶂泱泱閩海薄言銅墨蒲密斯在孰云識吏政均舊宰
循猛是兼絃韋無怠補袍方服治情莫改增貲匪課歸民自倍十郡爲
則百城斯採化日未逢政稱異等斯痛斯傷喪善殲良妖同武擔疾甚
清漳閩棺陋邑掩櫬蕪鄉嗚呼哀哉眇眇輕軀悠悠長塗風生閭閻日

恩字汝輪臆改

去。昆。吾。卒。歸。故。國。寧。識。舊。都。水。鳴。秋。鶴。岸。集。寒。鳥。寒。不。夜。哭。惟。獨。呱。呱。
茫。茫。大。塊。杳。杳。玄。墟。嗚。呼。哀。哉。伊。吾。與。爾。大。別。唯。名。肥。泉。猶。接。瓜。跌。未。
輕。義。雖。子。道。思。思。校。改。恩。實。友。生。歡。共。憂。日。險。泰。均。情。如。菊。有。芬。如。蘭。有。薰。
別。唯。慕。類。居。實。呼。羣。盡。日。持。論。遙。夜。披。文。漸。漬。義。老。祖。述。淵。雲。唯。昏。及。
日。自。旭。徂。曛。人。道。實。難。譬。被。徂。湍。驅。車。嶠。嶠。執。手。河。干。三。川。縈。薄。七。嶺。
悠。漫。自。茲。不。見。心。臂。迴。瀾。歲。佇。會。面。日。望。音。翰。歡。無。一。緒。悲。有。萬。端。濛。
陰。遽。戢。扶。景。易。殘。卽。斯。大。暮。爲。此。一。棺。山。足。難。曉。壘。首。易。寒。秋。蟲。相。叫。
暮。羽。來。搏。宿。草。行。沒。宰。樹。方。攢。昭。塗。長。已。大。夜。斯。安。孰。知。冥。默。徒。此。汎。
瀾。嗚。呼。哀。哉。

佛事文

禮佛唱導發願文

夫至覺玄湛木絕聲言妙慮虛通固略筌象雖事絕百非而有來斯應
理亡四句故無感不燭皇上道照機前思超繫表凝神汾水則心謝寶
中屈道軒邱則形勞宇內斯乃法忍降迹示現閭浮之境大權住地俯
應娑婆之域故欲洗拔萬有度脫羣生濯淨水於寶池蔭高枝於道樹
折伏攝受之仁遇緣而咸拯苦言軟語之德有感而斯唱日用不知利
益莫限衆等相與增到奉逮至尊五體歸命敬禮云仰願皇帝陛下
至道與四時並運玄風與八埏共廣反淳源於三古捨澆波於九代至
治已覩於今日大道復屬於此時虎豹蹈而不驚虺蛇蹶而莫噉埋金
抵玉毀契焚文嘉禾生體泉出金車玉馬自相暉曜玄鶴丹鳳飛鳴來

往光景之所照燭舟車之所驅汎若不屈膝係頸迴首革音入侍藥街
迎拜渭水與天地而長久等金石而逾固中岳可轉長河有清而我聖
皇愈溫愈粹不言而化行無爲而教肅

夫道備監撫望表元良察遠知微貫宗勾極不勞斧藻無待審論况復
靜悟空有同觀貞俗能行能說既信既持衆等齊誠奉逮儲君殿下歸
命敬禮云仰願皇太子殿下厚德體於蒼莽廣載侔於礚礚前星照
曜東離煥炳淑聞自遠和氣熏天異才爭入端人並至玉體怡清金聲

妙越

夫茂實英聲道周德廣秉珪襲袞之貴坐槐憩棠之尊猶應共惜東曦
俱客西崢悟蕉蘆之非實知鏡月之虛衍信秉電之不畱黔畫水之隨
合惟宜照之智炬灌以寶瀾增此睿根成斯妙植又各增到奉逮太尉

等諸王殿下歸命敬禮

云

仰願諸王既明且哲聲跨於河楚令聞令

望道均於旦爽德貫右戚義藹周親作鉉則與二曜相終臨岳則與四維等固若彭涓之遐永譬松筠之貞悅

夫天枝峻密帝葉英芬莫不玉震蘭搖金鏘桂繹觀寸文而驗錦觀一

毛而測鳳並能才高銅爵詞富雲臺彬彬疊疊超超灼灼以斯勝善奉逮諸王殿下歸命敬禮

云

仰願諸王殿下穆穆與清風並扇英英將

白雲共朗永鍾清祉長享元吉出牧則聲高民上入朝則譽光物右德重山王智超海藏鏗鏘鏘麗於玼皎鏡光於玉田

夫道流雲幄德感椒闈必以前藉勝因宿稟嘉數况重霑法雨更披慧日雖異姜后解珥請罪於周王不待樊姬捨肉有激於荆后而遵恭儉去嗜欲抆彫璣撤靡麗了心不滯正見無疑衆等齊誠奉爲六宮眷屬